

## Unsre` Glockn vo` Buch

On langa Wech hat´s fei hinte´ si  
unsre´ Glockn vo´ Buch.  
Vo´ Bamberch wous gschmiedn worn is  
bis zu uns auf´ Buch.  
´Nauf in Glocknturm im Gma´häusla  
do woars langa Zeit g´hängt,  
und do kännern si mancha heit nu dro erinnern.

Zu ana Zeit, wos si net jeda a Uhr leistn hot könna  
do hots uns die Zeit g´socht.  
Uns Junga wenn ma daham sei solln,  
und di Oldn, wenns aufhern solln zu ärbern,  
wenns daham Essn gebm hot.

Obba manchmol hab´n sis fei a nemma g´hät  
wenns aufm Stammtisch beim Süß worn,  
da hats mancha nemma g´hät  
walls a Seidla zuvill g´hobt hom.  
Und wies ham g´loffn sin,  
do sins manchmol so gor d´erschrockn,  
weils so laut g´schlogn hot  
unsre´ Glockn von Buch.

Langa Zeit woas a su  
und auf amol,  
wie des Gma´häusla nemma do wor,  
do wor unse´ Glockn a nemma do.  
Auft Nacht wos nemma do,  
des war a dunkla Nocht hams g´socht.

Und heit stemma fei do  
und endli is so wait  
endli hamas wieda.  
Hait därfs wieda schlogn  
unsre´ Glockn vo´ Buch.

Michael R. Schmidt  
27. Dezember 2003